

KUMPUAN
KHAWTLANG NUN
SIAMTHAT

YMA

AW



CCC MEETING NEIH A NI

Branch News

Chanmari West April 17: YMA Rorelna sang Central Co-Ordination Committee (CCC) meeting chu Ni 13.4.2011 (Nilaini) khan President, Pu Lalchungnunga kaihhruaia in Central YMA Hall-ah neih ahi. YMA Committee rorelna sang ber, Central Co-ordination Committee (CCC), thukhawm chuan Mizoram hnam dang mistiri hlawh chu Rs. 300 aia tam lo ni se an ti.

Central YMA President, Pu Lalchungnunga kaihhruaia CCC meeting chuan, Mizoram hnam dang inhlawhfaa awmte hlawh tur an sawiho a. Hnam dang mistiri-te hlawh chu ni khatah Rs. 300 aiin tam lo se, an ti a, helper-in Rs. 150 hlawh se, an tih bakah, ruang endik theih loh vanga Aizawl atanga phurh chhuah theih

lawk loh thin pawh a sutkian dan ngaihtuah nise ant bawk. CCC meeting chuan kumin YMA General Conference, Kolasib Sub-Hqrs YMA in a thlen tur chu October 25 - 27 chhungin Diakkawn khelmuala neih turin an rel a; General Conference-a thurel thenkhat bawhzui dan thlirho a ni bawk.

Central YMA huaihawtin School Academic Session chungchang sawiho a ni

Nimin 14.4.2011 khan Central YMA huaihawtin CYMA Hall-ah School Academic Session chungchang sawiho a ni a; he huna thusawitu, CYMA President, Pu Lalchungnunga chuan, Mizo thalai, MA leh BA zo tawh thahnem takin intodelh leh rual el an tum lo tiin, "A manganthlak ta hle a ni," a ti.

CYMA President chuan, Mizo thalaite chu rilru put hmang leh ngaihtuahnaah an inenchian a ngaih nasat thu a sawia, "thalaite'n thinlunga inbuatsaih nachang an hriat loh chuan, rēl pawh lo lut lo mah se, chīmrāl nih a hlauhawm tho," a ti. Mizoram hnam dang awmte'n rilru fím tak pú-in Mizote ei ral an tum a, chumi lakah chuan inven thiam a tul thu a sawi bawk. School Academic Session sawihona leh inrāwntlanna hi chawhma leh chawhnu-ah then a ni a; chawhma lam chu CYMA Gen. Secretary, Lalbiakzuala'n a kaihruai a, chawhnu lamah CYMA Education Sub-Committee Chairman, Dr. R Lalengmawia hoin thupui sawiho na neih a ni.

Sawihonaah hian, tuna Mizoramin sikul calendar a hman mek, January - December chhunga zirna kalpui chu mipui an zo lo tana an hriat thu te, phai lama tih dan anga academic session atan April - March hman tha zawka an hriat tawh thute an sawi hlawm. Sawihonaah hian thutlukna an siam a ni lo a; mahse he sawihona atang hian CYMA Education Sub-Committee chuan CEC-a thu thlen tur a duang ang a, chu chu CEC-in a rel leh dawn a ni. Sawihonaah hian Sub-Hqrs YMA, Group YMA, Aizawl khawpui branch leh pawl hrang hrang sawm bikte an tel a ni.

ADVERTISEMENT

CYMA leh Fire & Emergency Services tangkawp, Fire awareness campaign-na chikhat, a duh apiang tel theihna Article inziahsia. Thupui 'Senmei a hrang lua e' (Khawchhunga mei kang chhuahna chhan leh fimkhur tulzia te, a tantirh a chet vat hlawkzia leh kangmeiin min tih hreawm zia etc. tilang thei tur article) Word 2500 aia tamlo. Lawmmman Pakhatna 10,000, Pahnihna 7,000, Pathumna 5,000. Article ziaktuten May 2011 ral hma ngeiin CYMA office-ah thehluh tur a ni ang.

Hrechiang duh tan :

Contact : 9436196820/9436140005.

VENG DANGIN AN NEIH VE LOH 'YMA PARK'
KAN VENG IN KAN NEI HI KAN VANNEI HLE A.
MITINTEN I HUMHALH TLAT ANG U.

Ni 13.4.2011 a CCC Meeting neihah kan Branch YMA atangin Vice.President a tel a ni.

Chanmari Pastor Bial Khawmpui neih mekah kan hruaitute palai atan mi engemawzat an kal.

Chhiatni fund leh YMA Aw man Section tinah khawn chhoh mek a ni a, la pe lo ten tlawmngaia lo pe zel turin kan in ngen e. Sum enkawltute hnen atanga Report kan dawn danin hetiang hi a luh dan a ni :-

Kuangchera Sect.	33,600/-
Neuva Sect.	21,000/-
Vanapa Sect.	30,000/-

YMA Chanchinbu copy 96 lak a ni a, Section hrang hrang lak dan chu N - 21, K-28, T-14, CH-13, V-20.

YMA Chanchinbu man hi Ni 4.4.2011 khan V-Section - in a man an theh lut a, ni 7.4.2011 khan K-Section in a man an thehlut tawh bawk a ni. YMA Chanchinbu man la ti fello te a ranglama tihfel thuai nise.

HRIATTIRNA (E-Roll Chungchang)

Election Commission of India chuan India khua leh tui, India rama cheng thin, hna, zirna etc. avanga India ram pawna chengte tan Electoral Roll-a in thunna dan a siam a. Hetiang ang mi vengchhungah kan awm a nih chuan mahni bialtu BLO hnena inhriattir tur a ni e.

TUN KAR CHANGVAWN
A tukah chuan kutnaa lo kal mipui tam takin, Isua Jerusalem khuaah a lo kal dawn tih an hriatin, tum kaute an keng a, a hmuak turin an va chhuak a, "Hosana, Lalpa hminga Israel Lal lo kal chu fakin awm rawh se," tiin an au va.

Johana 12:12,13

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpua
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer**President**

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh.II Tim 4:5

Editorial : YMA rorelna sang CCC meeting chuan hnamdang Vai te Mizoram chhungah an hlawhbi a tuk sak a, he thu hi nguntaka ngaihtuah chuan thil tih awm reng pawh niin a lang. Marawhchu hetiang chung pawha keini a ram neitu te aia hnathawk an la tam fo chuan keimahni hi in en chian kan ngai viau in a rinawm. Mizote hian hnam huisen, tlawmngai kan ni, tih ringawt ah hian duhtawk mai lo ila, hnamdang ten a min hmuh dan tur thlir chungin hnam taima leh intodelh ngei tum a tha khawp mai.

Hnamdang tena hna an thawh hreh loh Mutia, CP labour etc. ang te hi keini a ram neitu te hian hmusit mai lova thahnemngai leh taima taka kan thawh ngam hi a pawimawh takzet a. Mi hlawhtling leh intodelh ni tur chuan eng hna pawh nise a te emaw a lian a ni emaw taima taka kan thawh a rim taka kan beih ve hi a ngai a ni tih kan hriatchian hunah chuan he MIZO HNAM hi a la dingchhuak ngei ang.

Article : PAWL 10 I PASS TA : KHAWI LAM HAWIIN NGE ? - Ed.

Mizote rilruah pawl 10 pass hian awmzia a la nei thui thei hle mai a, nu leh pa tam tak chuan faten pawl 10 an pass chuan kawl pui tukthlaa inngaihna pawh kan nei thin. A ni reng lah tak a, pawl 10 hi hna sang leh tha zawkte zawn nana qualification ni lo mahse zirna peng hrang hranga kal tan dawn a a kakpui tehna lai a nih tlat avangin a pawimawhna hi a la lian hle a ni.

Pawl 10 i pass ta a. Eng subject nge i lak dawn ? tih chu zirlai pass thar te mai nilo, nu leh pate in zawhna ber a lo ni ta. Pawl 10 pass chuan Subject pathum(3) - Arts, Science leh Commerce lak theihin a lo awm a. Nakin zela i nih tum a zirin heng subject hi fimkhur taka i thlan a ngai dawn a ni. Heng subject thlan avanga nakina zir leh la nih theih tur thenkhat lo thlir ho ila : Science subject-ah chuan Physics(P), Chemistry(C), Mathematics(M), Biology(B) lak theihin a lo awm ang. Doctor (MBBS, BDS, BVS etc.), Nurse ete vel ni tur chuan PCB subject i lak ngei a ngai ang. Engineer (Computer, Mining, Electrical, Civil etc.) nih i tum chuan PCM i lak ngei a ngai. Computer Engineer ni turin tuna Computer Science lak a ngai kher lo. Scientist nih i tum chuan PCM/PCB emaw hi i la thei bawk ang.

Arts lama i kal chuan heng - Political Science, Economics, History, Education, English, Mizo, Geography, Public Administration, Sociology, Psychology etc. zing a mi hi sikul i kalna tur a zirin a inkawp bik tur an lo dahkhawm ang a, i duh ber combination i thlang tawh mai dawn a ni. Art subject i lak chuan pawl 11 exam dawn hnaicha Doctor emaw, Engineer emaw han nih chak leh that kha a rem tawh dawn lo a ni. Art Subject i lak chuan - Hotel Management lam te, Social Works te, Dan (Law) lam te, Anthropology, Medical Transcription lamte zirin heng lam kaihhnawih hna te pawh a la thawh theih dawn a ni. Commerce Subject i lak chuan Chartered Accountancy lam te, Banking, Financial Analysts lam te, Insurance leh Financial planning leh Management lamah te zir chho zelin helam kaihhnawih hna i thawk thei dawn a ni. Mi zir an tlem tih vang ringawta mahni tuina subject ni miah lo lak ringawt te, subject awl awl nia mi sawi thlankhawm ringawt te miten a tha an tih vang ringawta lak pawh hi a fuh lo hle a ni. Mahni zia leh kalna tur awm kawng

ngaihtuah miah lova ka Mark-in a pha tih vang ringawta Science Subject lak ve ringawt te pawh a fuh lem chuang lo.

Zirtirtuten 'What is your aim in life?' tih an zawh che a i chhanna ni thin kha eng nge han ngaihtuah vang vang la, i nih duh tak tak nge i sawi thin a, i nih chak satlia ? I nih tum tak tak i sawi thin a nih chuan a chunga kan sawi ang khian Subject khi i lak a ngai dawn a ni. Doctor/ Engineer ni thei khawp tura duh tak takna leh taihmakna tak tak i nei a nih chuan Pawl 10 result-ah Science/Maths vela i hmu tha em em lo a nih pawhin Science Subject hi la ta la i tisual lo mai thei, i taihmak dawn tlat avangin. Nimahsela Maths engtik lai maha chak ngai lo i niha, Engineer lam i tum tlat a nih chuan khua rei ah harsatna i la tawk mai thei, fimkhur a ngai khawp mai, Aim in Life thlak hma a tha zawk thei bawk. Chutiang bawkin Science Subject-a titha ngai reng reng lo chunga Scientist/Doctor emaw nih i tum tlat chuan i goal i thleng thei kher lo mai thei bawk, taihmaknain a tlin lo emaw, i kalna tur kawng a ni lo hrim hrim pawh a ni thei bawk. Huisen taka TUM THLAK a tha zawk mai thei a ni.

Civil/Central Service (IAS, IFS, IRS, MCS etc.) lam i tum a nih chuan Arts emaw Science subject emaw i lak pawhin harsatna a awm lovang. Theology (Pathian thu) zir i tum a nih pawhin khawi subject pawh hi thlang la harsatna i la tawk rih lovang. A tawpna atan chuan a eng Subject pawh hi la la, tih tak takna i neih phawt chuan i hlawhtlin pui vek thei ngei ang. Pawl 11 zirlai hi in thlahdah deuh a i zira, chawlhhahdam nan i hmang a nih chuan khuairei ah i la inchhir dawn a ni. Chuvangin pawl 10 i zirlaia i zirdan aia changkang leh awmze nei zawkin zir la, By-heart system-a kal mai tawh lovin i subject hriathiam tum la, i tum ram thleng tura kailawn pawimawh tak i rap tan a ni tih hria in i puan ven sawi chhingin theih tawp han chhuah teh le. Pawl 11 zir nuam u le.

CHAWNGBAWLA

☞ Tun thawhlehni lo awm turah hian Section committee Pu K. Lalhakima te Inah neih an tum. YMA AW man leh Chhiatni Fund luh tawh dan thlir ho a ni ang.

☞ Section No an chah chu a lo thleng tawh a, No hi 336 a lo thleng a, No tha tak an leitheihna chhan section nu leh pa te chungah lawmthu an sawi nawn leh a ni. No hi a eng (Yellow) 300 leh a Sendang (orange) 36 (a hang semna tur) lei a ni.

☞ Section chhungah damlo damdawiin a awm an hriattheih chinah pathum an awm a, chungte chu :

1) Pu R. Lalrinthanga (damdawiin atang in a rawn chhuak a, In lamah a in enkawl mek)

2) Pu R. Vanlalfela (Phaiah in entirin a thang mek)

3) Pi Chhingi (New Life Hospital ah a awm) te an ni. Damlo te hi an dam leh thuai theih nan duhsakna an hlan.

☞ Ni 15.4.2011 tlai khan Vanlalhmangaihi thla khat, Pu Lalnunzira fanu chu Scepticemia natna vangin a boral a, a chhungte an tuarpui hle.

☞ Kar hmasa issue a matic result tarlanah khan tih hmaih leh tih sual a awm a, tih dikna rawn chhuah leh a ni.

- 1) Christina Lalniengi
D/o Rochharliana - I Div.
- 2) Israel Zoramthara
S/o Lalramliana - III Div.
- 3) T.Lalnunpuia
S/o K.Darhmingthanga- II Div.

KHUANGCHERA

☞ Ni. R. Lalramengzami'n NSS atanga Zun-in siamna tur inhlawhna a hmuhsak avangin a chungah lawmthu an sawi.

☞ YMA Aw latuten April thla chhunga a man pe fel vek turin an in ngen.

☞ Tunkar hun remchang ah committee neih tur a ni a, member te hunawl lo insiam turin an in chah.

☞ Mercy Zaithanpuii D/o C. Lalthlamuana letter in Mizo HSLC tha taka a pass chu an lawmpui hle.

NEUVA

☞ Thawleh zan leh Nilai zan khan Balu leh Cubic lung thiara Section sumtuakna hnatlang neih a ni a, member hnatlang zawng zawngte leh inhlawhna siamsaktu Pu Rochhunga te chhungkaw chungah lawmthu an sawi.

(N-Sect. report chhunzawmna)

☞ Nilai thawhtan zan khan Section Committee pawimawh tak neih a ni.

☞ Tun thla chhungin Chhiatni Fund, YMA Aw man, Sangha man leh Blanket suk man bial neitute tiffel vek turin an in ngen.

☞ Zuangtuikhur a tui motor hmanga chawi leh pipe hmanga lak khap tlat a ni.

☞ Local Council thupek angin chhungtinte Ui leh Ar chhuah khap tlat a ni.

☞ Vawiin tlai dar 4:00 ah duty turin Pasaltha Neuva In ah inngahkhawm tur a ni.

VANAPA

☞ Ni 15.04.2011(ningani) zan khan Pu Zairemthanga, Asst Leader inah Committee neih ani. OB in charge Pu Lalthuamluua'n Committee hi a telpui a member 21 an kal a ni.

☞ Chhiatni Fund leh YMA AW man khawn mek ani a, Bial tin ten khawn fel thuai turin an in chah.

☞ Section Budget Rs 4500/- tlakfel ani a, Rs 500 in Budget hi khum ani.

☞ Ni 23.4.2011(Inrinni) khian Bungraw dahna zauh hnatiang neih tum a ni a, member te hnatiang theuh turin an in chah. Bungraw in zauh nan hian Pu T.Sangkhuma, Treasurer in Thingzai leh Cheng 1,000/- a thawh.

☞ NI Lalrotluangi Fin.Secretary in Section danga pasal a neih tak avanga Finance Secretary atanga a phatna chu Branch ah pawmpui tura thlen a ni.

☞ YMA Chanchinbu man chu Sub-Agent Pu Lalfakawma'n a man a khawnfel tawh a, Agent ah thehluh tawh niin chanchinbu latu zawng zawng chungah lawmthu an sawi takzet.

TAITESENA

☞ Engemaw rokhawlha avangin kar hmasa a kuangduan hnatiang neih tum chu thulh a ni a, rokhawlha dang a awm loh chuan Thawleh zan (19.4.11) hian neih tum a ni a, hruaitute kal theuh tum turin an in ngen.

☞ An hruaitu Pu H.Lalthazela an nu hnathawhna lama hun rei tak thangbo pawh dam takin a lo haw leh ta.

☞ Section chhunga dawr neite mahni dawr kawtah Bawlhhlawh bawm dah vek turin an in ngen.

(T-Sect. report chhunzawmna)

☞ Section chhunga Matric Result tih chhuah a pass te kan hriat theih chin kan han tarlang e:-

- 1) Lalhminghlui - II Division
D/o C.Runherliana
- 2) Vanlalngkhaka - III Division.
S/o Vanlalchhanhimi
- 3) Lalrinngheta - III Division
S/o Lalvuana
- 4) Ngurdinpuii - II Division
D/o Ngurremmawia (L)

ZCC NEWS

☞ An hruaitu Pu F.Lalhmingmawia'n Aizawl District Athletics Association buatsaih a Shot put a lawmman Pakhatna a la chu an chhuangin an lawmpui hle.

☞ Ni 15.4.2011(Zirtawp) zan khan Assam Rifles, Khatla-ah lam an entir.

☞ An member N1.Zosangliani (Zite-i) Maite-a zin pawh damtakin a lo haw leh ta.

MUP NEWS

☞ Ni 13.4.2011 khan Sahuan en in Bus 3-khat in mi 105 an kal.

☞ MUP Member Tar Pension tun thla a la la lo tan lak theih reng a ni e.

☞ Ni 19 - 20 hian MUP Assembly Vanapa Hall neih tur a ni a, member te kim taka kal tur a ni. Kum 80 chunglam tan lawmman pek a ni ang.

CWSC Football Sub-Committee

Kan hma lawk Ni 21.4.201-a 2nd Division Season Ending Tournament lo awm turah practice na ngawrh taka kal pui mek a ni a, vengchhung mipuite tawiawmna Football Sub-Committee chuan a ngen tak meuh meuh a ni.

VINCENT SCHOOL



ADMISSION NOTICE

Vincent School, Chanmari chuan hmun laili, pan nuam leh fianrial bawk si, building tharah Class XI & XII (Arts & Science) Academic session, 2011 atangin day scholar leh hosteller tan a hawng dawn. Admission a tih mek a ni.

Sd/- Principal
(5-5) Ph: 9436154259

RAMCHHUNG RAMPAWN

» Ningani 14th.April, khan Developing Countries zinga ram thangchak leh ram lian panga Brazil, Russia, India, China leh South Africa , BRICS an tih mai ten China ram khawpui pakhat Sanya ah neih tan a ni a, he Summit ah hian heng member ram te inkara thawhho nate, Khawvel pum economic dinhmun te an sawiho a, Member ram lu berte an tel kim tha hle. India PM Manmohan Singh, Russia President Dmitry Medvedev, Brazil President Dilma Rouseff leh South Africa President Jacob Zuma te an tel hlawm. BRIC (S.Africa tello in) Summithi vawi hniih Brazil ah leh Russia ah neih alo ni tawh a, tunkum atang hian South Africa in a rawn zawnm veleh ani.Nakum lamah India ah neih ani ve thung ang. BRICS ramte hian West Asia (middle east) ram buaina chungchang an sawiho bakah tunhnai Libya ram tualchhung buainaa NATO in tharum a hmang chu an duhloh thu an sawi a ni.

» MPC chuan hruiatu thlangin President ah Founder Brig T.Sailo fapa Lalhmangaiha Sailo an thlang. Vice President ah Vanlalhlana leh Treasurer ah Lalthansanga (MLA) thlan a ni.

» Ramchhung State/UT thenkhat ten State Assembly in thlanna neih mekah nilaini khan Tamil Nadu (seat 234), Kerala (seat 140) leh Puducherry(30) ten Vote an thlak a, Assam in an zo fel tawh a, West Bengal in ithlan hi an nei leh ang a, heng State leh U.T a Vote tla te hi a rual in May 13 ah chhiar ani ang.

LAWMTHU SAWINA

Inter-Village Basketball Tournament, Nursery Veng a neih ah keini Chanmari West Basketball Players te chu kan tel ve a, hemi kawnga hma min laksaktu Local Council Chairman, Entry Fee min tumsaktu Chanmari West Sporting Club leh veng chhunga mi tlwmngaita zarah `3100/- hmuh a ni a. Chanmari West Basketball Players te chuan lawmthu kan sawi tak meuh a ni.

Thil Chhar

Hmeichhe Purse chhar a ni a, a chhunga ATM Card leh pawisa tlem a awm a, a ti bo chuan Pu H. Lalrawngbawla V-Sec hnena lamtur

BO

Kan Varak (A lian chi), a var, a dum tlema tial chu ni 15.4.2011 khan a bo a, a lo hmu leh a awmna hria chuan khawngaiha min hriattir turin kan ngen a che u. Mitvar man kan lo pe ang.

Contact : 98622331521

CWSC NEWS

» Chanmari West Sporting Club Maint Account chu ni 17.4.2011(Saturday) khan Pu Lallianzuala leh Pu R.Lalchhuanawma ten an Audit a, Sub-Committee Pathum Football, Volleyball leh Badminton Sub-Committee te Ni 10.4.2011 khan audit bawk a ni.

Football Sub-Committee :

Income	:	51,120/-
Exptd.	:	49,700/-
Balance	:	1,420/-

Volleyball Sub-Committee :

Income	:	35,030/-
Exptd.	:	34,160/-
Balance	:	870/-

Badminton Sub-Committee :

Income	:	61,670/-
Exptd.	:	48,587/-
Balance	:	13,083/-

» Kum 2011 a Sporting Club hruiatu thlanna Ni 19.4.2011 (Thawhleh) zan dar 7:30 hian Indoor Stadium-ah neih a ni dawn a, Club member zawng zawnge he hun ngai pawimawha kal theuh turin an in ngen. Programme :

Tantu :- Dr.Lalramliana
(Leader, CWB KTP)

R.O :- Pu T.Ngurkhuma
(President, CWBYMA)

P.O :-

- 1) Pu Vanlalhuma
(Chairman,Local Council)
- 2) Pu Thanseia
(President-CVTTP)
- 3) Pu RL.Thanhnuna
(Secy,CWBYMA)
- 4) Tv V.Biaknghinglova
(Vice President, ZCC)

Official Nominate te:-

- 1)C.Lalzarliana 2)C.Lalthanzuala
- 3)C.Zonunsanga 4)F.Lalhmingmawia
- 5)H.Laltanpuia 6)H.Vanlalvena
- 7)H.Lalramhluna 8)Henry Lalremruatpuia 9)Israela 10) Lalbiakhlu 11)Lalliansanga

HETAH HIAN SMS LA
>>9774170328<<

» Central Road kawng tawntirh kawngchhak lam atanga Septic Tank leak lo luangthla thin hi a ninawm thawkhat ta, mahni mihringpuit zah miah lohna thil a ni. Mawhphurtu ni a inhria chuan hma la rawh se.

986258_14

(He lampang thu hi chu kan ngaimawh takzet a nih chuan veng nu leh pa a kan neih Local Council lamah hian hrilh hriat nise a lawmawm hle ang.)

**(SMS kan dawn te hi Ed. Bd
ngaihdan a ni vek kher lo)**

(CWSC report chhunzawmna)

12) Lalchhuanliana 13)
R.Lalsangzuala 14)RK.Rozidinga 15)
RK.Ramherliana 16)R.Lalfakzuala
17) Thangchhuanmanga 18)
Vanlalhluta 19)Zonunsanga

» Ni 14-15 April 2011 a 1st Aizawl District Athletic Meet, Ramhlun Sport Complex a neih zawk takah Pu.F.Lalhmingmawia chuan Shotput ah 1st Position, Discus throw ah Tv.PC.Lalhriatpuia'n 3rd position a la bawk a,Shotput-Women ah Ni R.Lalmuankimi In a la bawk a ni. Sporting Club chuan an lawmpui hle.

» NE Sport Festival 2011 April thla a Arunachal Pradesh a neih turah kan veng atanga infiammi kal tur zawng zawng te Mizoram tihmingthatu ni thei ngei turin duhsakna club chuan a hlan tak meuh meuh a ni.

» Pu H.Lalramhluna chu Aizawl District Athletic Association President thar a thlantlin a ni chu club chuan an chhuang hle.

ZOFA CULTURAL CLUB ten
'Sawhchiar' tui tak min hlui a, an chungah Ed.Board ten lawmthu kan sawi mawl mawlh a ni. Hetiang thipec ropui dawng tur hian kan in hawng reng e.

CONCERT FOR SOUL

" AN EVENING WITH "

DROP DOUBT, DR. LUKE, LJS'

**STEWARD, ANDREW, HENRY, TBC, FREDDY, CHHANTEA, ZO-A,
MACCIE, RCI, FIONA, MELODY, BABY, MKI**

**THURSDAY APRIL 28 TWENTY ELEVEN 7:30 PM
LOCATION : CHANMARI YMA HALL**

ORGD. BY : JONA GROUP



CHANMARI WEST BRANCH KTP